



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. 3. Quid sit libertas tum in ipsâ potentîâ, tum in ipsis actibus liberis.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

quod est signum libertatis in voluntate, non in intellectu. Similiter non est in potestate intellectus assentire & non assentire, seu assensum cohబere: quia proposito obiecto evidente, necessariò assentitur; proposito obscurò, non assentitur, nisi à voluntate mouatur.

Probatur Quarto, Libertas est perfectio simpliciter potentia liberæ; unde etiam reperitur in Deo: atque indeterminatio intellectus non est perfectio, sed magna imperfæctio; unde in Deo non reperitur, cuius intellectus ad omne verum est naturaliter determinatus: ergo indeterminatio intellectus non est libertas, sed defectus; ac proinde intellectus non est formaliter liber.

Dico Secundò, Potest tamen intellectus dici liber fundamentaliter, quia in ipso est fundamentum libertatis; idque ratione amplitudinis ipsius. Hoc solum probant rationes Durandi. Docet hoc D. Thomas infra, q. 13. art. 6. & alii passim Doctores.

*Intellectus  
potest dici  
liber fun-  
damentaliter,  
non for-  
maliter,*

Probatur, Quia ideo voluntas positis omnibus necessarij ad volendum, potest id velle & nolle, quia intellectus in eadem re potest considerare aliquam rationem cur illa res pos sit appeti, & alia cur pos sit reici; idque non successivè tantum, sed simul. Pari modo, ideo voluntas potest idem velle & non velle, seu actum suum suspendere; quia intellectus potest simul considerare in obiecto, vel saltem in illo actu volendi, aliquam rationem boni, & aliquem defectum; verbi gratia, illum actum esse laboriosum, vel importunum; vel, huc & nunc non necessarium. Amplitude itaque intellectus, quia simul potest eandem rem, vel eundem actum sub diversa ratione propone-re voluntati, est radix libertatis, quæ est in voluntate; sicque mediante hac amplitude habemus omnes actus voluntatis in nostra potestate. Hac tamen amplitude intellectus non est libertas formaliter: quia cum hac amplitudine, intellectus potest esse determinatus ab intrinseco ad omnia sua obiecta (vt patet in intellectu diuino) quæ determinatio repugnat libertati. Item hæc amplitudo talis est, vt iudicia vel apprehensiones diversæ, ratione quarum est libertas in voluntate ad velle & nolle, non insit ei successivè, sed simul; cum tamen velle & nolle non possint simile inesse voluntati.

*Alliter in-  
volletus,  
aliter vo-  
luntas est  
indetermi-  
nata.*

Nec obstat, quid interdum autores dicant, voluntatem esse potentiam indeterminatam; quia intellectus est potentia indeterminata: aliter enim intellectus, aliter voluntas dicitur indeterminata. Intellectus dicitur indeterminatus, non quod respectu eiusdem veritatis sit indifferens ad assensum & dissensum; sed quia non est astrictus ad unum solum obiectum, verum plurima simul possit considerare. Voluntas vero dicitur indeterminata, non propter amplitudinem, qua potest plura simul velle; sed quia respectu eiusdem obiecti est indifferens ad velle & nolle, aut ad velle & non velle.

*18  
Responso  
ad argu-  
menta Du-  
randi;*

Ex his patet, Primo, solutio rationum Durandi, quatenus contra nostram sententiā intenduntur. Per actum enim intellectus non habemus alios in nostra potestate formaliter, sed radicaliter, scilicet tamquam per fundamentum libertatis, non autem tamquam per actum formaliter liberum. Unde solum sequitur, libertatem prius conuenire intellectui, tamquam causæ & radici, quæ voluntati

tamquam subiecto formaliter libero. Simili modo dici posset libertas prius conuenire essentiæ, quæ potentij: quia essentiæ conditio est causa cur potentia sit libera.

Notandum est, Durandum in hac sententia supponere tria, quæ falsa sunt. Primum, Voluntatem non esse liberam in appetendo ultimo fine, cum tamen sit libera quoad exercitium actus. Secundum est, Iudicium conclusuum consilij esse actum per se liberum, ante omnem actum liberum voluntatis: quod iam refutatum est. Tertium est, Primum actum liberum voluntatis esse electionem medij non necessarij ad finem. Ex his infert quartum, Libertatem prius conuenire intellectui, quæ voluntati.

Patet Secundò, Quo modo intelligendum sit quod multi DD. dicunt, liberum arbitrium esse facultatem rationis & voluntatis, & utramque potentiam completi. Hoc enim non ita accipiatur, arbitrium dum est, quasi libertas sit in utraque potentia: sed cultus Rationis & et, amplitudo intellectus, vt fundamentum, voluntatis, indifferentia voluntatis, vt formalis & proprietas, dicta libertas.

### D V B I V M III.

*Quid sit libertas tum in ipsa potentia, tum  
in ipsis actibus liberis.*

R Espondeo & dico Primo, Libertas fundamentalis nihil aliud est, quæ ipsa amplitudo intellectus, seu vis intelligendi comparata ad omnia obiecta (sive illa sint res, sive actus) in quibus potest aliquam rationem boni, & aliquam defectus considerare. Vnde non differt ab ipso intellectu, nisi ratione: est enim ipsa vis intelligendi inadæquatè considerata.

Dico Secundò, Libertas formalis nihil aliud est, quæ vis voluntatis, considerata, vt est indeterminata, & tamen proximè sufficiens ad velle & nolle; ad velle & non velle eiusdem rei. Itaque non differt, nisi ratione, ab ipsa voluntate, sed est ipsa voluntas inadæquatè considerata; scilicet respectu obiectorum, & actuum, in quibus consideratur aliqua ratio boni, & aliquis defectus.

Quod autem ad actus liberos attinet, notandum est, alios vocari elicitos, alios imperatos. *Eliciti* dicitur, qui à voluntate elicuntur, & in ipsa existunt. *Imperari*, qui ab alijs potentij elicuntur voluntatis imperio. Quamquam & in ipsa voluntate esse possint, dum per unum actum, alium imperat. Nunc.

Dico Tertiò, Libertas in actibus eliciti vo-luntatis, præter entitatem actus, nihil est aliud, *actibus elici-tis, quid-* quam habitudo ad causam indeterminatam, à qua immediate procedit. Probatur, Quia præter substantiam actus, & illam dependentiam à causa indeterminata, nihil est necessarium, vt actus voluntatis dicatur liberè fieri.

Si queras, quid sit illa habitudo? Respondeo, Esse dependentiam à causa efficiente indeterminata; dependentia autem, præter rem que dicitur dependens, nihil dicit, nisi denominationem extrinsecam à tali causa; vt alibi ostensum est. Quo fit, vt libertas in actibus voluntatis, præter entitatem actus nihil addat, nisi denominationem extrinsecam à causa libera.

Dico

*Liberas in actibus imperatis, quid.* Dico Quartò, Actus aliarum potentiarum vocantur liberi denominatione planè extrinseca ab actu libero voluntatis, vnde aliquo modo dependent. Itaq; libertas in his actibus nihil est nisi determinatio extrinseca ab actu libero voluntatis.

Confirmatur; Quia omnes actus aliarum potentiarum respectu principiorum, à quibus immediate procedunt, sunt necessarii: ergo non possunt dici liberi, nisi respectu voluntatis, à qua mediate pendent. Atqui non pendent à voluntate nisi mediante aliquo actu formalí, vel interpretatiō: ergo ratione huius actus dicuntur liberi.

Ex his patet, actuū elicitum voluntatis & imperatum cādem omnino libertate liberum esse. Actus enim elicitus est liber seipso; quia ipse per se & immediate pendet à causa libera: vnde etiam dicitur liber intrinseca; quia per suam entitatem sic dependent est liber. Actus autem imperatus est liber formaliter per actuū elicitum voluntatis: quod sit, vt non addat nouum meritum actuū interno; vt suo loco dicemus.

### ARTICVLVS III.

#### Vtrum voluntarium possit esse absque omni actu?

**C**onclusio est, Id quod directe est voluntarium, non potest esse sine omni actu voluntatis: sed voluntarium indirecte, sine omni actu esse potest.

Aduerte, Non esse difficultatem de voluntario directo. Esse enim directe voluntarium, est esse directe volitum, vel esse actum, quo aliquid directe volitum est. Nihil autem potest esse directe volitum, nisi per aliquem actum positivum voluntatis.

Sed difficultas est de voluntario indirecte, quod etiam dicitur voluntarium interpretatiū. Voluntariū indirecte dicitur, quod non est in seipso volitum, sed in alio, ex quo aliquo modo, tamquam ex causa, sequitur: quod duplicitate fieri potest.

Primò, Si ex actione directe voluntaria sequatur aliquis eventus præter expressam intentionem; ratione tamen aliquo modo aduertente: vt si non satis circumpeccè emittens sagittam, aliquem interficias; occiso erit indirecte voluntaria; quia sequitur ex actione directe voluntaria, cum aliqua rationis aduentitia: (aduentebas enim actionem tuam esse periculosam.) Sic qui peccat, indirecte seu interpretatiū vult Dei iniuriciā, vitę & tenebram priuationem, & similia. Secundò, Si ex omissione voluntaria alicuius actionis sequatur aliquis eventus, ratione aliquo modo aduertente: vt si omittas succurrere proximo in necessitate, & ille moriatur; mors eius censetur tibi voluntaria.

Aduerte tamen, non omne illud quod sequitur ex actione politiva, vel omissione alicuius actionis, censeri voluntariū: sed illud tantum quod tenebaris impidere; vt statim ostendemus.

Prior modus voluntariū indirecti, non poterit esse sine omni actu voluntatis; quia sequitur ex eo quod directe voluntarium est, in quo, tamquā in sua causa, est volitum. De secundo, est difficultas. Et quamvis D. Thomas potissimum loquatur de eventu, qui sequitur ex omissione; tamen explicandum est generatim de ipsa omissione, & de eventu ex omissione, quando sit voluntariū.

### D V B I V M I.

#### Quando omissione sit voluntaria.

**R**espondeo, Omissione est voluntaria; Primi, Quando est directe volita; vt si nolis audire <sup>13</sup> Sacrum. Secundi, Quando aliquid voluntariè facimus, quod nobis est causa omissionis; vt si velis ambulare, & idcirco Sacrum omittas. Tertiò, Potest omissione actus exterioris vel interioris esse voluntaria, sine omni actu interno vel externo, qui sit causa illius omissionis. Colligitur hoc ex D. Thom. in corpore, & ad 3.

Probatur, Quia potes omittere Sacrum absque hoc quod nolis audire Sacrum; aut velis aliquid vnde necessariò sequatur omissione Sacri, tamquam effectus; seu, quod sit tibi causa, cur Sacru omittas; pari modo potes omittere internos actus; vt actū amoris Dei, odij peccati, absque alio actu interno, qui tibi sit causa omittendi. Datur ergo omissione exterior, & interior voluntaria sine omni actu.

Ratio à priori est; quia, sicuti voluntas liberè potest velle, scilicet audire Sacrum, & nolle: ita etiam potest suum actu suspendere, vt neq; velit, neque nolit. Et hæ suspensiō, (qua nihil aliud est, quam omissione actus interni) est omnino liberā; ac proinde voluntaria, & consequenter etiam omissione exterior, est voluntaria.

Vide infra q. 7. a. 6.

Aduerte tamē, tria requiri ut omissione hoc ter-<sup>ut. hec</sup> tio modo sit voluntaria. Primi, vt id quod omit-<sup>omissione</sup> sis facere. Si enim quod omittis, non est in tua potestate præstare, omissione non erit tibi vo-<sup>luntaria, tria</sup> luntaria, etiā effet expreſſe volita: vt si ob mor-<sup>requiriuntur.</sup> bum non possis audire Sacrum, vel recitare offi-<sup>ciū; omissione ista, etiam si forte à te sit volita, non</sup> tamen tibi censetur voluntaria; quia non pendet à tua voluntate, sicut effectus à causa: sed pendet à morbo: vnde etiam si effet lata excommunicatio in omnitem, non incurres illam, quamvis ex malitia illam omissionem velles. Sic, qui omittit soluere cūm non posset; omissione illa non est ei voluntaria, neque contra iustitiam, etiam si ipse ex malitia nollet soluere.

Secundò, Vt aduertat se posse facere, idque vel distincte, vel faltem in confuso: si enim nullo modo aduertat, omissione non erit voluntaria. Ratio est, quia quidquid actu est voluntariū, debet esse aliquo modo cognitum; alioquin quidquid homo quovis momento non agit, censetur voluntariè omittere: vnde singulis propè momentis haberet innumeratas omissiones voluntarias; quod absurdū.

Tertiò, Requiritur ut non agat. Hoc enim per se primò est necessarium ad substantiam omissionis.

Quidam addunt quartū, scilicet, vt opus quod omittitur, sit præceptum. Verū, etiā præceptum operis sit necessarium, vt omissione sit culpabilis; non tamen vt sit voluntaria. Probatur; quia omissione rei nō præcepta; potest esse directe voluntaria; vt non ducere vxorem, non ingredi Religionem. Ergo etiam indirecte, nempe tunc quando voluntas ita se gerit, ac si directe veller omittere; vt cūm quis absque hoc quod velit aut nolit, Sacru non præceptum neglit. Confirmatur; quia sicut voluntas volendo est causa operis: ita non volendo seu suspendingo suum velle, est per se causa omissionis actus externi. Causa enim effectus per se priuatut, debet esse priuatut: ergo vt omissione sit voluntaria absque ullo actu, non requiri ut sit contra præceptum.